



Broj: 02-404-17/23

Datum: 23.05.2023. godine

Na osnovu člana 69. stav 3. i člana 68. stav 1. Zakona o javnim nabavkama ("Službeni glasnik BiH", broj: 39/14 i 59/22), gradonačelnik Grada Prijedor d o n o s i

O D L U K U O OTKAZIVANJU POSTUPKA NABAVKE

I

O t k a z u j e s e postupak javne nabavke u postupku konkurentskog zahtjeva za dostavu ponuda objavljen na portalu javnih nabavki Obavještenjem o nabavci, broj: 22-7-1-7-3-34/23u predmetu: Nabavka, isporuka i montaža čelične vrteške i ljuljačke prilagođene djeci sa posebnim potrebama.

II

Ova odluka biće objavljena na zvaničnoj internet stranici Ugovornog organa, istovremeno sa upućivanjem iste ponuđačima, koji su učestvovali u ovom postupku javne nabavke.

O b r a z l o ž e n j e

Ugovorni organ Grad Prijedor je oglosio na Portalu javnih nabavki Obavještenje o nabavci, broj: 22-7-1-7-3-34/23, u predmetu: Nabavka, isporuka i montaža čelične vrteške i ljuljačke prilagođene djeci sa posebnim potrebama, koji se provodi putem postupka konkurentskog zahtjeva za dostavu ponuda. Po provedenom postupku pregleda i ocjene ponuda, Ugovorni organ je dana 05.04.2023. godine donio Odluku o izboru najpovoljnijeg ponuđača, broj: 02-404-17/23, kojom je kao najpovoljniji ponuđač izabran ponuđač »Istracom« d.o.o. Sanski Most, sa iznosom ponude od 8.266,00 KM, bez uračunatog PDV-a, odnosno 9.671,22 KM, sa uračunatim PDV-om. Ponuđači su o izboru najpovoljnije ponude obavješteni putem pojedinačnog Obavještenja, broj: 02-404-17/23 od 05.04.2023.godine. Obavještenjem upućenim najpovoljnijem ponuđaču »Istracom« d.o.o. Sanski Most zahtjevani su dokazi/ dokumente iz člana 45. stav (2) Zakona, kojim će dokazati vjerodostojnost date izjave u skladu sa tačkom 10. predmetne Tenderske dokumentacije i to:

„a) izvod iz kaznene evidencije Suda BiH i nadležnog suda prema sjedištu ponuđača da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan.

Prema stavu Agencije za javne nabavke potrebno je dostavljanje oba uvjerenja. Nije prihvatljiv izvod iz kaznene evidencije izdat od bilo kojeg suda u BiH u kojem nisu naznačena sva navedena krivična djela, već samo neka od njih ili izvod iz kaznene evidencije suda koji uopšte nije nadležan prema sjedištu ponuđača;

b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.

d) potvrde nadležne/ih institucija o uredno izmirenim obavezama po osnovu direktnih i indirektnih poreza.“

U ostavljenom roku ponuđač »Istracom« d.o.o. Sanski Most je dostavio dokumentaciju, koju je ovaj organ analizirao i utvrdio da ne sadrži sve elemente zahtjevane predmetnom Tenderskom dokumentacijom i predmetnim Obavještenjem dostavljenom ovom ponuđaču. Uvidom u ovjerenu fotokopiju »Uvjerenja«, broj: 22 0 Kr 129 23 od 09.02.2023. godine izdatog od Općinskog suda u Sanskom Mostu je konstatovano da u je istom navedeno da se potvrđuje da protiv »Istracom« d.o.o. Industrijska zona Zdena b.b. u Sanskom Mostu nije podignuta optužnica a niti izrečena osuđujuća presuda za krivično djelo sa propisanom kaznom zatvora do 5 godina ili novčanom kaznom kao glavnom kaznom, kao i da iz navedenog nije vidljivo da nadležni sud prema sjedištu ponuđača nije potvrdio da ovaj privredni subjekt u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan, jer prema važećim propisima za sva navedena krivična djela nije propisana isključivo kazna zatvora do 5 godina i novčana kazna. U predmetnoj Tenderskoj dokumentaciji u tački 10., kao i Obavještenju ponuđaču je jasno navedeno da nije prihvatljiv izvod iz kaznene evidencije izdat od bilo kojeg suda u BiH u kojem nisu naznačena sva navedena krivična djela, već samo neka od njih ili izvod iz kaznene evidencije suda koji uopšte nije nadležan prema sjedištu ponuđača, kao i da prema stavu Agencije za javne nabavke potrebno je dostavljanje oba uvjerenja (izvod iz kaznene evidencije Suda BiH i nadležnog suda prema sjedištu ponuđača). Uvidom u dostavljenu dokumentaciju ovaj organ je utvrdio da je ponuđač „Istracom“ d.o.o. Sanski Most dostavio Uvjerenje Suda BiH u kom su jasno navedena sva krivična djela za koja se potvrđuje da nije izrečena pravosnažna osuđujuća presuda, te da je dostavio nepotpun dokaz – Uvjerenje Općinskog suda prema sjedištu ponuđača, kako je prethodno konstatovano.

Odredbama člana 68. stav 1. Zakona je propisano da (1) Ugovorni organ odbacuje zahtjev za učešće ili ponudu ako kandidat/ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uslova iz čl. 45. do 51. Zakona.

Odredbama člana 69. stav 3. Zakona je propisano da Ugovorni organ može otkazati postupak javne nabavke samo zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Iz naprijed navedenih razloga, odlučeno je kao u dispozitivu ove odluke.

Imajući u vidu navedeno, odlučeno je kao naprijed.

Protiv ove odluke može se u roku od 10 (deset) dana od dana prijema Odluke izjaviti žalba ugovornom organu.

Dostavljeno:

1. Ponuđačima;
2. Dosije i
3. a/a

